

დამტკიცებულია

შპს მწვანე სკოლა-ტყის კამპუსის

დირექტორის მიერ



მოსწავლეთა შორის მედიაციის
მარეგულირებელი წესი

შპს მწვანე სკოლა-ტყის კამპუსის

თბილისი

მუხლი 1. მოქმედების სფერო

- ეს წესი განსაზღვრავს შპს მწვანე სკოლა-ტყის კამპუსის (შემდგომში - „სკოლა“) მოსწავლეთა შორის არსებული კონფლიქტების მოგვარების ეფექტურ გზას, რომელიც მაქსიმალურად ითვალისწინებს მონაწილე მხარეთა ინტერესებს.
- მოსწავლეთა შორის მედიაციის მარეგულირებელი წესის შემუშავების ამოცანაა:
 - მოსწავლეთა შორის პრობლემის არსებობის შემთხვევაში, მოხდეს დროული და ეფექტური რეაგირება და მოსწავლეებმა თავად მოაგვარონ ეს პროცესი;
 - გაუმჯობესდეს სასწავლო პროცესი და გაძლიერდეს მოსწავლეების ფსიქოლოგიური კეთილდღეობა;
 - დროულად და ეფექტიანად მოგვარდეს კონკრეტული კონფლიქტები;
 - ხელი შეეწყოს მოსწავლეთა პიროვნულ ზრდას (პიროვნულ და სოციალურ განვითარებას) გრძელვადიან პერსპექტივაში.

მუხლი 2. მოსწავლეთა შორის მედიაციის მიზანი

- მოსწავლეთა შორის მედიაციის მარეგულირებელი წესის მიზანია მოსწავლეებს შორის კონფლიქტის შემთხვევაში, ადრეული და ეფექტური ჩარევით, მოხდეს კონფლიქტური სიტუაციის მშვიდობიანი გადაწყვეტა, პროაქტიული რეაგირება და სიტუაციის შემდგომი გართულების პრევენცია მშობლების/კანონიერი წარმომადგენლების, კლასის დამრიგებლის/ტუტორის და ფსიქოლოგის (ასეთის აუცილებლობის შემთხვევაში) ჩართულობით.
- მედიაციის წესი ხელს უწყობს:
 - **კონფლიქტების მოგვარებას/შემცირებას.** უთანხმოებების მშვიდობიანად და კომპრომისულად მოგვარება მოსწავლეებს ეხმარება, რომ თავიდან აიცილონ კონფლიქტები და დაძაბულობა ერთმანეთთან;
 - **კომუნიკაციის გაუმჯობესებას.** ჯანსაღი კომუნიკაცია მოსწავლეებს ეხმარება თანატოლებთან ურთიერთობების გაუმჯობესებაში.
 - **სოციალური უნარების განვითარებას** (ემპათიის, აქტიური მოსმენის და პრობლემის მოგვარების უნარების განვითარებას).
 - **კეთილგანწყობას** (ნდობის, პატივისცემის და მეგობრული გარემოს შექმნას);
 - **ფსიქოლოგიურ კეთილდღეობას.** მოსწავლეებს ეხმარება მათთვის რთული ემოციების მართვაში, რაც ქმნის ფსიქოლოგიურად უსაფრთხო გარემოს;
 - **კლასში პოზიტიური ატმოსფეროს შექმნას.** კონფლიქტების მშვიდობიანად გადაწყვეტა, ხელს უწყობს კლასში ჰარმონიულ და მეგობრულ გარემოს ფორმირებას. მედიაციის პროცესით მოსწავლეები პასუხისმგებლობას იღებენ თავიანთ ქმედებებზე;
 - **პიროვნულ ზრდას/გააზრებული გადაწყვეტილების მიღებას.** მედიაცია ასტიმულირებს მოსწავლეებს, რომ თავად მოიძიონ გამოსავალი და აიღონ პასუხისმგებლობა თავიანთ გადაწყვეტილებებზე;
 - **აქტიური მოქალაქის უნარების განვითარებას.** პროცესში მონაწილეობის საშუალებით, მოსწავლეები უკეთ იაზრებენ საზოგადოებაში თანამშრომლობის მნიშვნელობას.
- მნიშვნელოვანია, რომ მედიაციის მეშვეობით კონფლიქტის მონაწილე მხარეები თავად მივიდნენ კონფლიქტის მოგვარების გზამდე. სკოლის წარმომადგენლის - მედიატორის მიზანი კი მედიაციის პროცესში უნდა იყოს, რომ მან მოსწავლეებს ნათლად აჩვენოს კონფლიქტის გადაწყვეტის სასურველი შედეგები. ამასთან, სკოლის წარმომადგენელმა ფასილიტაცია უნდა გაუწიოს კონსტრუქციულ დიალოგს და, საჭიროების შემთხვევაში, თავად შესთავაზოს მოსწავლეებს კომპრომისზე დაფუძნებული გამოსავალი.

მუხლი 3. მედიატორის როლი

- მოსწავლეთა შორის კონფლიქტის გამოვლენის დროს მედიატორის როლს ასრულებს კლასის დამრიგებელი/ტუტორი მოსწავლეთა კანონიერი წარმომადგენლების და ფსიქოლოგის (საჭიროების შემთხვევაში) ჩართულობით;
- მედიატორმა უნდა შეძლოს:
 - მოსწავლეებს შორის არსებული უთანხმოებისა და შესაძლო კონფლიქტების გაცნობიერება;

- კონფლიქტური სიტუაციების ეფექტიანად მართვა/რეგულირება;
 - მოსწავლეთა შორის განვითარებული კონფლიქტის შესაძლო შედეგების პროგნოზირება;
 - მოსწავლეთა შორის კონფლიქტების ნეგატიური შედეგების აღმოფხვრა/თავიდან აცილება;
 - მოსწავლეებისათვის კონფლიქტური სიტუაციიდან გამოსავლის ჩვენება;
 - მოსწავლეებს შორის კონსტრუქციული დიალოგის გამართვა;
3. მედიატორი ვალდებულია დაიცვას კონფიდენციალურობა და იყოს მიუკერძოებელი.
 4. მედიატორი ვალდებულია შექმნას ისეთი ატმოსფერო, სადაც დაპირისპირებული მოსწავლეები კომფორტულად შეძლებენ კონფლიქტის გამომწვევი მიზეზების განხილვასა და მისი მოგვარების გზებზე მსჯელობას.
 5. მედიაციის პროცესში მედიატორი მონაწილეობას იღებს როგორც ნეიტრალური მხარე და ეხმარება კონფლიქტის მონაწილე მოსწავლეებს საკუთარი და სხვების ინტერესების გააზრებასა და პოზიციების განსაზღვრაში.

მუხლი 4. მედიაციის დაწყების საფუძვლები და მედიატორის ფუნქცია-მოვალეობები

1. მედიაციის დაწყების საფუძველია მოსწავლეებს შორის კონფლიქტური სიტუაციის წარმოქმნა, ან კონფლიქტური სიტუაციის წარმოქმნის წინაპირობების არსებობა;
2. კლასის დამრიგებელი/ტუტორი, რომელიც მედიაციის პროცესში მედიატორის ფუნქციას ასრულებს, ვალდებულია:
 - დაადგინოს და გააანალიზოს მოსწავლეების ურთიერთობა კონფლიქტური სიტუაციის წარმოშობამდე;
 - შეისწავლოს მოსწავლეებს შორის არსებული კონფლიქტის გამომწვევი მიზეზები;
 - განიხილოს კონფლიქტში მყოფ მოსწავლეებს შორის არსებული ფაქტობრივი მდგომარეობა (რამდენად აქტუალურია კონფლიქტი, რა გავლენა იქონია მან მოსწავლეებზე და ა.შ.);
 - აგრძნობინოს მოსწავლეებს, რომ აღნიშნული პრობლემა არ წარმოადგენს გადაულახავ დაბრკოლებას და მდგომარეობიდან არსებობს კომპრომისული გამოსავალი;
 - მიიღოს ინფორმაცია მხარეებისათვის სასურველ შედეგებზე კონფლიქტური სიტუაციიდან გამომდინარე.
3. მედიატორის მოვალეობა არ არის კონფლიქტში მონაწილე მოსწავლეების დავის ერთპიროვნულად გადანაცვება. მან მხოლოდ ხელი უნდა შეუწყოს მოსწავლეების მიერ გამოსავლის ძიების პროცესს.

მუხლი 5. მედიაციის ეტაპები

1. მედიაციის პროცესი მოიცავს შემდეგ ეტაპებს:
 - საერთო შეხვედრის გამართვა და მედიატორის მიერ კონფლიქტური სიტუაციის მოკლე აღწერა;
 - დისკუსია;
 - ინდივიდუალური გასაუბრება (საჭიროების შემთხვევაში);
 - მედიაციის დასკვნითი ეტაპი.
- 1.2. **საერთო შეხვედრის გამართვა და მედიატორის მიერ კონფლიქტური სიტუაციის მოკლე აღწერა** - მედიაციის პროცესის აქტიური ეტაპები უნდა წარიმართოს კლასის სხვა წევრებისა და უცხო პირებისაგან დამოუკიდებლად, სადაც მხარეებს შესაძლებლობა ექნებათ, კონფიდენციალურად განიხილონ ყველა არსებითი დეტალი. შეხვედრისას, უმჯობესია, თუ მედიატორი წარმოთქვამს ძალიან მოკლე შესავალ სიტყვას და მოსწავლეებს და სხვა დამსწრე პირებს კიდევ ერთხელ შეახსენებს მათი შეკრების მიზეზს. შესავალ სიტყვას უნდა ჰქონდეს დაძაბულობის განმუხტვის მიზანი. მედიატორის მოთხოვნის შემთხვევაში, შეხვედრას, მოსწავლეების კანონიერ წარმომადგენლებთან ერთად, უნდა დაესწროს სკოლის ფსიქოლოგი.
- 1.3. **დისკუსია** - დისკუსიის ეტაპი არის მედიაციის ყველაზე მნიშვნელოვანი და ხანგრძლივი პროცესი. დისკუსიისას მოსწავლეებმა უნდა გამოთქვან საკუთარი შეხედულებები კონფლიქტის გამომწვევ მიზეზებთან, მათ ქცევებთან და გრძნობებთან დაკავშირებით. ამ დროს მედიატორის მთავარი ფუნქციაა, რომ მან ფასილიტაცია გაუწიოს მოსწავლეებს შორის არსებულ დიალოგს და საჭიროების შემთხვევაში, ყურადღება გაამახვილოს ძირითად

განსახილველ საკითხზე. მედიატორმა უნდა შეძლოს დიალოგის პროდუქტიულ რეჟიმში წარმართვა და საჭიროების შემთხვევაში, წარუდგინოს მოსწავლეებს არსებული მდგომარეობიდან გამოსავალი. ამასთან, მედიატორი აზუსტებს, აჯამებს და საბოლოო სახეს აძლევს მოსწავლეების პოზიციებს.

- 1.4. **ინდივიდუალური გასაუბრება** - თუ ამას საჭიროება მოითხოვს, მედიატორმა შესაძლოა რომელიმე მოსწავლესთან ინდივიდუალური გასაუბრება მოითხოვოს, რომელსაც შესაძლოა დაესწროს სკოლის ფსიქოლოგი. დამოუკიდებლად შეხვედრისას, მედიატორი ეხმარება მოსწავლეს მთლიანი სურათის დანახვაში, საკუთარი პოზიციის მესამე პირის პერსპექტივიდან შეფასებაში, მეორე მხარის შეხედულებების, არგუმენტებისა და გრძნობების გააზრებასა და გათავისებაში.
- 1.5. **მედიაციის დასკვნითი ეტაპი** - მედიატორი კიდევ ერთხელ აფასებს მედიაციის პროცესსა და მხარეების მოსაზრებებს. სასურველია, რომ შეჯამებისას მედიატორმა მოკლე ხუმრობით განმუხტოს დაძაბულობა და იზრუნოს იმაზე, რომ მოსწავლეები კვლავ დაუბრუნდნენ კონფლიქტამდე არსებულ მდგომარეობას.

მუხლი 6. მედიაციის პროცესის დასრულების შემდეგ განსახორციელებელი ღონისძიებები

1. მედიაციის პროცესის დასრულება არ ნიშნავს იმას, რომ საკითხი სრულად ამოწურულია და ის აღარ საჭიროებს მასზე დამატებითი ყურადღების გამახვილებას. მედიაციის დასრულების შემდეგ, კლასის დამრიგებელმა/ტუტორმა ხელი უნდა შეუწყოს მოსწავლეებს შორის მეგობრული ურთიერთობის აღდგენას. აღნიშნულისათვის შესაძლებელია მოსწავლეებმა გამოიყენოს ჯგუფური სამუშაოები და სხვადასხვა აქტივობა. მაგალითად, შესაძლებელია, მედიაციაში მონაწილე მოსწავლეები აღმოჩნდნენ ერთ სამუშაო ჯგუფში რომელიმე სახალისო დავალების შესრულებისას ან ერთ გუნდში, სხვადასხვა სახის სპორტული შეჯიბრებისას. ეს ხელს შეუწყობს მოსწავლეებს შორის არსებული დაძაბულობის ბოლომდე განმუხტვას და შესაძლებელი იქნება მედიაციის პროცესის საბოლოოდ შეფასება.
2. მნიშვნელოვანია, რომ მედიაციის პროცესის შესახებ ზოგადი და მოკლე ინფორმაცია ჰქონდეთ კლასის სხვა მოსწავლეებსაც, რათა მათაც ანარმოონ დაკვირვება მედიაციის პროცესზე და, საჭიროების შემთხვევაში, აცნობონ არსებული მდგომარეობა კლასის დამრიგებელს/ტუტორს.

მუხლი 7. მოსწავლეთა შორის მედიაციის მარეგულირებელი წესის მიღება და მასში ცვლილების შეტანა

1. მოსწავლეთა შორის მედიაციის მარეგულირებელ წესს შეიმუშავენ და ბრძანებით ამტკიცებს დირექტორი.
2. სკოლის მოსწავლეთა შორის მედიაციის მარეგულირებელი წესის გაუქმება, მასში ცვლილებებისა და დამატებების შეტანა, ხორციელდება ამ მუხლის პირველ პუნქტში მითითებული წესით.